

瑤

華

集

瑤華集卷十一

天香

十二首

燭影搖紅

三首

漢宮春

四首

卓牌兒

一首

雙燕笑孤鸞

一首

八聲甘州

十一首

暗香

六首

黃河清慢

一首

畱客住

五首

夢芙蓉

四首

西子妝

一首

聲聲慢

四首

醉蓬萊

四首

迷神引

一首

夏初臨

三首

瑤臺第一層

一首

帝臺春

一首

長亭怨慢

一首

十二橋 一首

黃鸝遶碧樹 一首

倦尋芳 三首

雙雙燕 三首

孤鸞 四首

揚州慢 一首

尾犯 二首

晝夜樂 一首

月華清 二首

珍珠簾 一首

燕山亭 三首

玉胡蝶 三首

鎖窗寒 五首

金菊對芙蓉 三首

新雁過妝樓 一首

垂楊 一首

三姝媚 一首

無悶 一首

催雪 四首

玲瓏四犯 一首

國香 一首

天香

龍涎香

曹貞吉

孤嶼荒寒斷潮鳴咽抱珠神物濃睡蜃霧成樓綃宮噴  
雪點點鮫人清淚紅薇露溼早釀就都梁佳致巨舶長  
風破浪疑帶海山鱗尾春閨夜闌煙細裊金猊水天  
霞氣漫惹雨絲沾灑碎勻聲起鳳脰一枝深炷偎翠袖  
餘寒戀纖指莫放悠颺繡簾匝地

味綠牡丹爲牧仲作

國色凝香露華垂檻苔痕欲上階砌不就輕黃遠成嫩

碧接葉交柯無一石家金谷供妙舞珠珠豐膩渲染春  
光好處掩映一天空翠 魚子暮雲微起帶蕉窗幾分  
涼意暗想阿誰斜黛遠峰如此倒挂嶺南么鳳莫藏影  
花間覓花蕊芳草成稠碧旗礪試

龍涎香

李良年

截竹聲收暗花舒滑撥珠試約同去遠市浮銀長魚漾  
淚掠取夢中鉛露輕圓纔印儘勝水蘭芬齊煙依舊難  
馴心性濛濛吹做煙霧 脂盒粉奩曾佐小鬟攜四屏  
遮處簫局橫陳付與紫迴千縷今日篆痕重髮歎雨絕  
雲乖渺無據鬚草平鋪欲薰還住

爲友人題蘭花小冊

空谷無媒衆芳猶伍橫琴一曲曾寫梅子黃時他年長  
記擗擋翠甃紅架數華冰雪天付與送春消息管  
夫人後更誰點染無價今朝四圖重把展生綃乍疑  
香惹攜向風前欲動月中低亞一自沅湘倚檻多辜負  
芳叢小窗下無限秋懷爲君題四

龍涎香

徐嘉炎

燕脯難尋蛟腥易厭冰綃乍傾珠子蟾鏤消燐麝釧和  
月做出消魂滋味鮫宮帳冷漸芳入九微燈裏裊出雙  
煙噴碧團來半囊暈紫冷冷水晶簾捲悄凝寒熏籠

壓被斜颺輕絲髮取枕痕釵膩長笛聲聲吹斷聽水靜  
微吟夜分未添取金爐氤氲帳底

題寫生冬瓜

朱彝尊

宿點危東田移硯北壘池秋帶新剪仙棗輪長土酥比  
淨隨意欹眠籬院寒泉溜處慣枕任沙痕一綫蒲鴿筐  
中乍卸蝸牛雨餘畱篆小童抱時應顫壓冰厨短簷  
茅店問客齋期好配紫茄紅莧壚頭更熬成餅伴七夕  
針樓果同薦轉憶鄉園疎蕪舊堰

龍涎香

沈爾燦

槎使曾撥寶牀睡起九天咳唾猶潤搗就玫瑰砧勻將水

腦綾角刀圭方寸博山緩火重看取煙鬟霧髻祇許昭  
陽助寵不教望陵添恨 氤氲漫成春困拂殘篝舊情  
難問閒道麝團金餅土花萼盡月出扶風市近使賀老  
巾香也無分客過旗亭錦衣細認

前題

高層雲

濺沫珠輕浮膏粉薄迴波試挹凝乳玉碾塵吹花磁水  
滑纖手任教研取雀頭勻和銀葉小乍生煙縷最是未  
馴還裊微風又穿簾去 梅陰鑑屏欲暮斂雙蛾漫添  
情緒蛺蝶春羅愁裏暗銷殘炷試問清宵岑寂驚心字  
絲絲斷魂處數盡寒更重聞細雨



前題

鈕琇

杵月千年槎雲萬里驪宮唾成珠老。瑞腦同分神藥已  
化製就博山鑪巧。春來甚處看玉手鏤花纖爪。長日瑣  
窗暗逗微風。画簾清裊。何事浣薇刻棗酒醒時夜聞  
偏好。重撥殘灰銀葉漸生紅小。沾袖餘馨在否。但如絮  
柔情向空繞。暝坐氤氲寒侵獨早。

前題

沈岸登

沫濺沉沙吟翻亂窟。鮫人迸淚相竝。暗魄潮平峭帆風  
落。搗取露花成餅。金鳧比翅。強喚得。深幃睡醒。縷縷橫  
波透也。疑他午窗先暝。屏山裊時未定。做鵝溪樹梢

雲影還傷鬢。楊添膩。畫針人省。雨後香分玉乳。憶小閣  
茶鑪沸初靜。別久。篝衣莫教乍冷。

前題

曹寅

露結紅冰。麝凝碧腦。綠窗一霎春聚。慢裊微雲。輕拖刺  
雨。夢入九真深處。東風慣惹。倩重疊蝦鬚緊護。爭奈荀  
郎已老。空自亂人心緒。聞說鮫人夜賈。雜曬珠碾成  
玄乳。玉葉微煎。猶帶海天香霧。不怕蘭偷虫。恣愁鎖向  
看峰綠邊去。漫戀韓衣。還悲隋炬。

前題

吳晉

蟬鴨爐前描鸞鏡。咩幻成蜃氣樓閣。鱗屋珍藏貝宮親。

贈未許鮫人私攫。天家賜餅，豈易向世間輕索。漫比都梁，迷迭當年，共分銅雀。休誇口脂面藥。有昭陽露華，堪濯。惹却銷魂，韓椽衣邊，偏着。惟底品宮海妾，唾紺袖，凝珠似花萼。一縷霏煙，網繡箔。

元宵或餽予粉欄漫賦

陳枋

鄰火茅簷，村春秫米，家家盤糅春雪。石粉輕霏，玉纖細染，幾費吳娘欸捻。江南別久，忘不了鄉園節物，猶記燈期下飲。釀匙杓妝圓活。故人念我，愁絕轉晶丸樣，臨明月。雲氣橫窗，面榼溫磨初揭。茶煙裊來，風小伴夜冷，淒淒餅同說。屏當圍爐煨他，惜袖。

燭影搖紅

上元

嚴繩孫

薄醉垂鞭寶坊才轉疑飛墜  
一年明月打頭圓望處渾  
如水便有魚龍成隊  
更多少王侯邸第白頭猶說天上  
霓裳舊時風味  
誰耐閒行紫驕可也如人意歸來孤  
館踏歌聲遠聽心還碎  
往事姮娥應記偏燈月闌珊影  
裏而今誰問南國春寒箇人憔悴

春感

閨秀

商景蘭

春入華堂玉堦草色重重暗寒波  
一片暎闌干望處如  
銀漢風動花枝淺淺  
忽思量時光如箭歌聲撩亂  
噴

丁當繁華未斷。游賞池臺滄桑頃刻風雲換中宵第  
角惱人腸泣向庭幃遠何處堪留顧盼更可憐子規啼  
遍一枝殘蠟滿壁圖書幾聲長歎。

無題

趙氏

瑤瑟聲悲洞庭落木秋風惡蘭旌桂棹水中央渺渺煙  
波隔獨倚危樓百尺正黃昏長天一色汀沙月淡野戍  
風高寒山凝碧雙鯉沉浮錦書三載無消息江南江  
北折垂楊歷亂愁如織歲暮虛傳西鵲浪花殘蓮歌寂  
寂雲迷翠羽露冷瓊枝流光暗擲。

漢宮春

村景

潘高

雨笠煙簑挂輕帆何處徧臥春湖晚來却看西渡雲水  
模糊江天欲雪認前年沽酒村墟我欲問扁舟消息當  
時蝦菜何如可惜一場風月論呼鷹戲馬更有人無  
如今故交落落昔夢疎疎雞豚近局也時時子弟肩輿  
爲報道山翁老却江湖豪氣全除

飛來峰

毛先舒

何處飛來惟玲瓏剔透如此之奇攀援未敢直上鳥慄  
猿危芙蓉千朶亂雲頭嫋娜參差了不信洪荒世界都  
非斧鑿爲之拾翠佳人相問問低穿花洞可有靈芝

只愁被仙迷住海變桑移天香雪外一陣陣吹染綃衣  
終有日飛還西竺我當乘此而歸

惠山感舊

史惟圓

龍岫佳哉憶昔年此地坐臥春餘天均堂下片石醉與  
歌呼樓臺如繡映雕闌水面芙蓉綺筵上燒殘銀燭夜  
深還掩金鋪二十餘年重到尋舊時門逕滿目榛蕪  
東鄰別起精舍試問誰歟錦堂玉樹占春風花下笙竽  
君不見無情山月移來又下庭梧

春夜聽盲女彈琵琶詞

陳維崧

滿院梅風攬一鉤纖月縈上簾鬚檀槽有人慢撚盤瀉

珍珠簌簌画鼓似開元妙手花奴奇哉技飛揚感激勝  
于讀史遷書太息東籬實甫有無窮魄墨墨染煙驅  
一聲通仙鐵笛碧海雲孤青衫溼透問伊憐苟有人無  
還相調輕雲蔽月今宵眇眇愁余

卓牌兒

上巳東臯感舊

錢芳標

滿裙水鱗鱗偏惹起閒愁一派霽日淡炙花慙不語昏  
煙低扶草斜如帶鳥啼殞宮春誰復逞詩懷酒態多少  
刻燭分闌幾回交烏藏鈞夢醒都改小樓罨黛正此  
日邀賓鮭菜礎傾墻壞惟換得悲慨難覓斜行畱題處



滿眼荒榛野稗無奈甚倚樓人在。

雙燕笑孤鸞

旅思

沈謙

正殘夢醒見斜日窺窗晚鐘初撼披衣坐起仍在亂山  
孤店嘹嘹斷鴻過也宿蘆花水村煙斂空說遠游豪邁  
止博些傷感下若從來酒醺若比著離愁酒兒全淡  
西風淒緊獨自把燈長點幾番寄書不到料佳人惟儂  
拋閃爭信爲他垂淚有羅巾爲驗

八聲甘州

秋日懷舊東友

曹爾堪

似仙人逃劫保餘年。天意與安排。記行踪飄泊，薄游梁  
宋，穩渡江淮。若使當時醉死，早向北邙埋，未了名山債。  
猶着芒鞋。暗數生平憂患，判此身付與，餓虎饒豺。却  
彈棋臥簟，葵萸對清齋。飲甘瓜，苧衣無汗，碧油停離席。  
傍金釵，難忘是太丘酒伴，小住爲佳。

聽唐韞如彈琴

沈謙

自鍾期死後，碎瑤琴古調，向人難。正張華石上，蘇公泉  
側，淚血斑斕。打疊移宮換羽，袖手且盤桓。誰在東江市，  
霹靂重彈。最苦長門秋怨，可爲予收，擦白雪幽蘭。奈  
無端五岳隱隱起，胸間但從來讀騷飲酒問，傷人此意。

不相開只博得萬山俱響嵐惡雲翻

宴楊副戎署卽家相國故第

錢芳標

記童時竹馬望衡居。百度過街西。正平津罷相堂成綠。  
野人美易衣。一自雕梁換主。別燕舊巢非。無恙高城月。  
空照鴉啼。下瀨新開幕。府有射生奉炙。營伎持蠡。悵  
靈光雖在。誰辨劫灰飛。淡秋煙池平樹古。剩阿咸重到。  
夢依稀。將軍醉倚弓還向。主女窗扉。

酬于象明

潘高

寄新詩一首到城南。琅琅似珠璣。問牆東茅屋幾多雲。  
樹一夕煙霏十里菰蒲瑟瑟。掩靄雁初飛。空念平生事。

相見依依。待說耕桑舊約恨暮年身世忽又參差却  
何曾回首昨日已成非。待明年春生南浦具釣竿漁艇  
莫相違橫山下兩人相對荷芰裳衣。

贈別于象明

張圯授

正江臯千里喜君來何事便言歸記相逢一笑荒城冷  
月紺殿清暉握手論交恨晚疑是夢耶非結箇疎狂社  
鷗鷺忘機憶得三間破屋便解衣脫帽松塵霏霏幸  
半生淪落知己未全稀縱來年重經下里奈暫時相賞  
又相違英雄恨西風古道皂帽牛衣。

百花洲

吳珙

指迷離煙樹斷橋邊云是百花洲想輕鷗狎浪文魚戲  
沐錦纜牽舟幾度朝朝暮暮簫鼓醉中流傳得蓮娃曲  
付與吳謳可歎繁華歇絕把月臺花榭一霎都收枉  
珠樓人墮香句鏡奩留說興亡還無燕子只暮蟬高柳  
漫吟秋更無那凭闌望處夕照當樓

感舊

鄧漢儀

入華堂孔雀與芙蓉到眼摠迷離是隴西大姓關東右  
族粧點翠恩何意在奴上坐傾倒碧螺卮似屬經過地  
欲信還疑果是貂蟬宅第曾游綠花片縈繞牙旗奈  
甘泉發轍天上竟騎箕歎易衣已非王謝縱豪華不似

太平時祇爲得離梁紫燕如話相思

客有言西江近事者感而賦此 陳維崧

說西江近事最消魂啼斷竹林猿歎灌嬰城下章江門  
外玉碎珠殘爭擁紅粧北去何日遂生還寂寞詞人句  
南浦西山 誰向長生宮殿對君王試鼓別鵲離鸞怕  
未終此曲先已慘天顏只小姑端然未去伴彭郎煙水  
月明間終古是銀濤雪浪霧鬢風鬟

南耕齋中食鱗魚作

汝魚乎汝旣弄潮來何如趁潮歸卻波濤堆裏橙蕪香  
處自許輕肥千古斷機黃鵠不了是和非貪聽漁翁笛

誤觸危機。謝汝崎嶇萬里把浪花舞破來慰晨饑。問  
途經西塞果否颺旌旗。幸團圓故園兄弟况小窗雨後  
漾晴暉。浮生樂無如斫鱸安用呼鱸。

釀酒

吳白涵

問誰家美醞得沾唇頻過可淹留。有陶公辭組陳王把  
卷攜我登樓。左手離騷腐史右手酒盈甌。縱使長衰賤  
也自風流。聞說易州酒味擊筑悲歌處絕勝南州。便  
釀方學得種秫可曾收。笑生來不諳零雜那一樁家事  
上心頭。但知道客來呼設任婦爲謀。

前題

陳枋

喜陽陂種秫有千堆。釀王事須諧。把連筒汲水盈車載。  
麴漚遍新醅。滌器親穿犢鼻。傭保亦堪偕。注滿陶家甕。  
運向吾齋。暇則瓮邊就飲笑。從今便了不用沽哉。再  
休誇千首斗酒費詩才。只斟時。狗兒攬箛倚膽娘歌罷。  
且開懷。吾還有漢書三卷。難燭相陪。王褒童約有奴  
便了倩行酤酒

暗香

咏水仙

李良年

秋花過了。對滿除殘葉。雙鬟催掃。試卷重簾別有幽香  
送晴沼。漢口煙波正杳。况洛水微茫難到。想羅襪也畏  
溪寒戀此一亭小。清曉爲誰好。待翠被香殘。冶粧侵



早下堦一笑。摘取憐他鬢邊。裊。歛石淺欄相映。應不比  
鏡中低照。釵溜也斜立處。更須悄悄。

綠萼梅

春纔幾日。早數枝開遍。笑他紅白仙徑曾逢。綠萼來  
記相識。脩竹天寒翠倚。翻認了暗侵苔色。縱一片月底  
難尋微暈。怎消得。脈脈清露溼便靜掩簾衣。夜香難  
隔吳根舊宅。籬角無言。照溪側。只有樓邊易墜。又何處  
短亭風笛。歸路杳。但夢繞銅坑斷碧。

前題

曹貞吉

牆陰淡白。算雪晴未久。換成春色。一剪靡蕪移上枝頭。

聞更帶幾枝鵬語多少桂陽行客吟罷沾衣淚添湘竹  
苦任教斑點似生香熟結擁爐愁炷。

前題

高層雲

嶺雲覆徧楚江蠻風颭雨哀音斷續相對頻啼殘晝扁  
舟旅泊何處聽到灘黑林昏人倦後淒涼似此便聲聲  
行得也能行否還搔首峽響空舫牽船時候和盡青  
猿絕壁亂雲開繡隔水正逢遊女射翠歸來影湘筠倚  
袖愁聞不了更雙銜木葉見南飛又。

前題

曹貞吉

瘴雲苦徧五溪沙明水碧聲聲不斷只勸行人休去。

人今古如織。正復何事。關卿頻寄語。空祠廢驛。便征衫  
溼盡。馬蹄難駐。風更雨。一髮中原。杳無望處。萬里炎  
荒。遮莫摧殘毛羽。記否。越王春殿。宮女如花。祇今惟剩  
汝。子規聲續。想江深月黑。低頭臣甫。

前題

沈岸登

鎮相對。伴夕陽。無邊野色。荒茅亂竹。是處蠻天黏水行。  
人已自腸斷。何況花落聲聲啼更起。竿橋半渡。便等閒  
溼了。那時衣袂。飛去矣。倚檻誰家。兩峰低翠。懊惱年  
年還住。桂江歸未。忍向木棉枝上。聽到春深曉風殘夢  
裏。翻憐。朋鳥任棲煙和雨。不曾分背。

夢芙蓉

無題

朱彝尊

日長深院裏。見微吟紅豆。學書青李。鼠鬚散卓。曾付掃  
眉翠。綠紗風不起。爐煙都篆心字。密締星期許。支機石  
畔。來往絳河水。誰料分飛萬里。霧露芙蓉恨。別成秋  
蒂。桃蹊重到。仙犬遽迎吠。澗塵凝滿砌。夕陽空自垂地。  
舊日迴廊。剩枇杷一樹。花下小門閉。

寒月

陸 棻

一輪秋更皎。漸冷窺鏡檻。素瑩冰沼。空明藻徑。孤影踏  
林杪。南樓人料峭。綺窗燈火紅小。欲訴閒愁。向曲闌凭

處玉笛數聲杳。記着當年懊惱。雪浸梅花香夢啼嬌。  
鳥碧痕依舊。誰念雲鬢老。謝莊猶解道。清輝千里同照。  
坐冷霜華倩霓裳。月姊箇伴素娥曉。

前題

沈季友

九秋悲素魄。更關情何況。冷光如滴。紅香消盡殘夜少。  
眠客免寒。鬱影隻桂宮誰問消息。凍玉斜枝。傷鈎欄西  
角。點點碎陰。深尋遍。鳳城南北。一樣分明。不醉那能  
得。酒徒倦矣。清恨滿。瑤瑟倚風空小立。翠裘憔悴無色。  
算到江樓有相思人。遠同此一丸白。

前題

蔣景祁

無眠今古夜笑一丸誰弄一鈎誰挂照人况是未漏正  
初下羿妃長不嫁蟾蜍生伴伊寡又復沉沉傷水仙夢  
裏愁絕倩魂化東徹窗櫺壁罅慣近牀前疑把薄霜  
灑玉壺封處一樣怕寒怕秦嘉真誤也冷光寶鑑猶射  
記得年時對銀灣曲曲臨取曉簪間

西子妝

咏蘋婆果

蔣景祁

圓不成搓嬌難着掐絕域果名誰記含華滴露壓枝頭  
帶春星草堂都墜天孫事秘儘費意甘勻粉膩落青蘂  
正雨晴煙淡夕陽拖水西來意笑靨盈盈幾伴花下

醉剖將香玉晚涼生迸薄寒不禁纖指試他芳字甚橘  
叟荔奴甚戲漱餘芬一卷楞嚴呪裏春秋元命苞  
織女星王果

聲聲慢

平仄  
二體

秋夜和漱玉詞

丁澎

梧桐挂月繡戶生寒西風又添愁戚病與秋深一縷懣  
懣氣息簷前琤琤碎玉更空堦蟲聲暗惡撒得我恁懣  
懣自己鏡中難識夢裏分明歡笑香肩凭顛倒影釵  
偷摘忽被風驚倩影和燈吹黑又是打窗微雨向芭蕉  
葉上頻滴欹着枕把淚兒搵住怎得

秋夜

陳枋

秋聲似雨月暈如霜滿庭落葉飄積古巷淒淒擣練晚  
砧逾急誰憐寒垣客在聽哀音夢中猶識魂欲斷向西  
風立遍橙陰院黑也說別離能慣奈積久浮沉故園  
消息漸老秋期飛盡南鴻無迹遙思小樓深處隱紗厨  
一燈夜碧人正倚鏡檻菊疎影墨色

咏柳

高詠

隋隄鎖翠漢苑飄金帝鶯曉斷高枝小繫青驄忽聽玉  
笛橫吹江南舊栽幾樹未攀條先已含悲重記取只當  
年張緒髯鬚丰姿暮地東風披處永豐坊那便腰細  
難支似媚還愁偷舒眠眼修眉催人鬢容易老是和煙



經雨垂垂春占盡向紅亭又管別離

江干觀射

洪昇

沙長草淺日淡雲低天際驚墮雙鵬百隊紅旗亂吼白  
馬嘶騎却想當年霸業笑錢鏐終是兒曹秋江泊京聞  
抽鐵弩慢射銀濤似爾少年雄發正風驚玉勒雪冷  
金刀夜半讀殘黃石虎哭猿號怕殺秋霜入鬢在臨風  
賦盡牢騷回頭望暮雲平且醉濁醪

醉蓬萊

爲仲弟季緒壽

龔鼎孳

快花前樽滿十里笙簫画船來去追數流光歎年年征

旅雁塞蛟宮越旗江火隔對牀風雨亂後重逢篝燈如  
夢客懷難語散騎身強上龍名重大海行藏肯同繞  
絮舞樂徵歌笑絳樊何處去國雄姿憑高青眼漸斗橫  
銀浦白首相看丹青過我更拈吟句

染指

路鶴徵

傍雕闌壁砌金鳳抽萼垂垂其摘搗入銀罍似杯盛琥  
珀刺綉針仙縫裳嬌女染春纖如滴點絳增妍潤脂添  
冶別饒光澤恠道郎前輕彈雁柱紅雨紛飛湘絃改  
碧翠袖籠丹儘桃痕狼籍長爪麻姑采萼初開枉自誇  
蔥白一點檀心十條絳玉怎生消得

碧山莊看杜鵑秦以新太翁畱飲花下有懷對

巖檢討

陳維崧

折一枝笑問也把鵬呼爾何愁苦綠暗園林點淡紅千  
樹但到花閒休論身外有酒何妨住況是今朝絃管鶯  
啼池亭燕乳停杯忽憶故人千里鄂渚牙幢武昌樓  
櫓萬一思鄉寫斷腸佳句那得凭闌將花做島向楚天  
低處黃鶴樓前殷勤爲我叫他歸去

贈高澹人太史兼謝書法

蔣景祁

羨仙郎家近華島雲深玉河波注佳氣氤氲指筆花搖  
處調譜清平篆翻纓絡正螭頭日午油素初裁綠毫重

賜時聞天語。自省人間未如天上。一樣祥和有多風  
雨。高處應寒。問瓊樓幾許。昨夜雲中貽來錦字。似鸞龍  
驚舞。別殿風微。御爐煙裊。惹餘香度。

迷神引

秋海棠

朱彝尊

靜綠薦紅看無數。點點欲含還吐。牆陰一角遶方花礎。  
剩翻飛黃衣蝶。自來去。不比春分信。晚風遽。商畧涼州。  
按舊歌序。有美人兮。對此憐遲暮。叢髻低鬟。空簪  
餘香。閒搗小瓶中寒泉。注較垂絲勻。尤淡。画難譜。涼葉  
空庭裏。幾番雨。知他芳客。減暗蟲訴。

夏初臨

本意

陳枋

芳樹纔濃鳴禽乍變勝春淺夏煙光朝雨飛塵濛濛  
遍初陽午晴苔色蒸香碧沉沉洗漾羅窗翻堦鶯粟三  
枝兩枝蜂蝶交忙多年舊事好景誰家拋書簾下晚  
飯都忘看撩逋髮生憎十八鬢長撮髻新粧弄微風瑟  
瑟疎簾月昏黃若以絳綃還怕伊涼

天龍寺高歡避暑宮故址

朱彝尊

賀六渾來主三軍隊壺關王氣曾分人說當年離宮築  
向雲根燒煙一片氤氳想團焦石壁猶存琵琶何處聽

殘勒勒銷盡英魂。霜鷹自去青雀空飛。画樓十二金  
粉無痕。春風嫋娜依然芳草羅裙。驅馬斜陽到鳴鐘佛  
火黃昏。伴殘僧。千山萬山。涼月松門。

懷覃九侄

沈晦日

蟋蟀窗前杜杷闌下。碧窗倩画蟾紗。月杵秋砧西溪一  
舸移家。桂堂燈影霜華。舞闌珊竹葉頻賒。雙橋濃樹煙  
迷古藤。誰數昏鴉。東陽瘦日南道愁時。青松紅杏詞  
句憐他。海棠未醒白門又落楊花。魚尾殘霞甚春閒燕  
子風斜。聽鳴笳。山程水程離思無涯。

瑤臺第一層

三水泊舟開府諸君名飲江亭 梁清標

萬里羊城今咫尺。飛帆幕府留。艤舟三水簾開珠箔幢。  
擁青油。海天煙煖瘴嶺客來一洗羈愁。喜春早正紅生  
亭榭綠滿汀洲。朋儔主人情重。鳳笙龍笛夜啁啾。尉  
佗臺畔。田橫島外。半醉江樓對蠻方節鉞。把手處頭髭  
霜稠。轉歌喉。問誰占星使到自神州。

帝臺春

春懷

梁清標

晴日炙雪初消。池水碧。遊鯉負水好。易窺人閒愁增劇。  
追憶年時香閣裏。攜手看故山春色。奈而今惱亂東風。

遍吹孤客。春猶昔。渾暗擲。人咫尺。何從覓。歎陌上青  
青又生芳草。薄暮綠煙如織。湖海氣難一旦減。兒女淚  
已千行滴。漸近了。花朝怕重提寒食。

長亭怨慢

懷緯雲伯在贛開幕

陳枋

夕陽裏靜言思。伯。十八灘邊江橋吹笛。此際登臺鬱孤  
煙樹眺無極。含毫綿邈。想得句闌干拍。霞襯買船來紅  
斂。處關河如練月白。笑幾篇詞賦銷盡半生爲客。故  
人慣贈有無恙。布帆能給。便報道書記平安。怕禪榻  
絲非昔。問恁日陽羨吾廬竹林眠得。



十二橋

訊胡大滌秋山臥病

毛先舒

汝臥何峰忒避盡。在塵溽暑。最高頭却望江南。層層煙雨。好是迷離處。恰如畫裏瀟湘平。楚恁人家。遙小珠簾。綉榜玲瓏堪數。秋在十三樓。早歷徧西陵南浦。漸差排白桂黃花。是誰爲主。我自憐。今古披襟長嘯。月輪當午。把一槭到手。想伊正醉。賽神簫鼓。

黃鵬遮碧樹

槐院

銷夏之二

陳枋

一樹堂陰直。軒窗落影綠。沉髻几步。屢苔痕。鎮參差遮。

定半庭空翠。先秋病葉。早三兩因風輕墜。渾不辨細雨。稍憐其處。蔚然飛起。笑憶長年舊事。馬蹄忙。落花黏地。強行遍。是衝炎亭埃散霧。城市今夕。暹羅席好。且淺蔭南柯睡。冷淘香飯。成時閒吟。醉

倦尋芳

遽庵過飲倦圃

曹溶

五陵遊歇。催買花枝重上。吳阜細拂衣塵。旋覺野雲生肘。誰載銅官山色。到屐高驚破。門前柳撥寒暄。把升平樂事。一番回首。惟作達于吾何有。起舞闌珊。敲缺壺。只筆底風華。恨乏按箏纖手。自與侯鯖長話。別故人能

其青蔬否。論歡娛。任千般。不如醇酒。

宋廣平賦梅花處

毛際可

廣平故里。征轡徐停。斜照初下。幾樹殘梅。當日綵毫揮。  
灑粉傅何郎。應竝美。香飄韓掾。知相亞。更消魂。比溫柔。  
合德蘭湯新罷。想開元共推。良佐鐵石心腸。青史無  
假文。致清新。竟爾燕嬌鶯妬。相業豈因辭藻。掩騷壇更  
長風流。價似陶潛賦閒情。蕭郎休罵。

都城南荷花

朱彝尊

堂移萬柳。麗草田田。別有金谷。卷就新筒。只少手擎纖  
玉。幾陣涼颼。翻葉白。依然驟雨。跳珠綠。石闌斜看魚吹

細浪扇搖方麴。試添箇江南舴艋。任攬紅衣不用濡。  
足更憶西湖十里冷香飛逐。偏是風前胡蝶住。但無人  
處。鴛鴦浴。又爭如陌塵飛馬蹄歸促。

雙雙燕

園林新霽

錢繼章

黏雲膩雨怕春咽。管絃涼生簟枕重。陰入樹片片。李成  
畫景。驀地風吹酒醒。松濤響參差不定。池頭鷺踏萍開。  
又見藻連魚影。依舊蕭然三徑。但添箇黃鸝綠中相。  
應柴門流水。恰受空蒙。漁艇溪外小。庵人靜。煙波上渡。  
來疎磬。遲回重倚闌干。明月正橫斗柄。

逢長安舊歌者

錢芳標

記休沐宴喚宣武門西蓋珠名部。丁香坼後見慣白浮  
鳩舞。怡悵飛雲散去。似一枕釣天欲曙。誰知落拓逢伊  
又是江南春暮。無數青衫淚雨。對榻畔茶煙鬢絲千  
縷。烏衣殘照。剩否翠衿雙語。聞說華懷易主。漸老却玄  
都千樹。贏得舊識何哉。莫唱渭城樂府。

見燕子營巢有感

曹貞吉

去年社日向聚燕臺邊。送君歸去。杏花開罷。遲日園林  
春暮。又栩栩梁間住。聽一片呢喃相訴。不嫌就舍荒涼  
來伴京塵淒楚。柳絮池塘何處。看玉剪交飛。亂衝花

雨主人謝客辛苦舊巢將護莫待新雛成羽更去傍紅樓朱戶且自掠水啣泥睡足一庭香霧

孤鷺

榕署冬日見梅

許 旭

江南姿格憶二月初聞開來盡白淡掃蛾眉粧就鏡臺新額東皇不加拘管任狂踪亂尋游屐把酒空山野店聽一聲羌笛奈故園何處關山隔早臘盡天南難問消息況在重門裏更怎生知得忽見一枝折到道那邊十分狼籍不信天涯如夢看青衫沾溼

夏景

羅 坤

安榴紅茜。值小雨初晴。濃陰滿院。單夾羅衣。水檻涼生。  
池面荷芰。又開多少。倚闌干。鬢鬆釵顫。憶昔王郎。桃葉  
故弄青團扇。算將來。只有梁間燕。似伴我。空牀憐人。  
哀歎。將桃笙。慢慢。偎早。又催更箭。几上博山火。瘦更重添。  
鷓鴣香片。試抱秦箏。解裏聽歌珠一串。

咏梅和趙虛齋韻

金張

江南春早。奈紙帳孤眠。梅開偏少。欲折羞攀。驛使隴頭  
空到。如何天寒翠袖。恁春風。剪勻芳草。似此無人愛玩。  
便不開也好。瘦花枝。懶索巡簪笑。縱憔悴。黃昏只花  
知道。簾外霜風緊。柱玉笙吹小。尋常一宵落盡。直無情。

不憐人老掉下半規缺月冷清清同曉

贈次山別

陳履端

梅風乍歇做嫩雨如酥阿連欲別趙北燕南飄散封胡  
羯末臨行幾番珍重念長途衝炎觸熱屏當零星篋衍  
奈柔腸欲折想江東煙水儘空濶任放鴨採菱生計  
非拙更讀書萬卷到秋冬射獵倚門經年盼斷最難忘  
故里風物此去茶香焙熟憇竹廊閒啜

時次山有  
南歸之思

揚州慢

送史遽庵之廣陵并示宗定九孫無言汪蛟門

舟次諸子

陳維崧



十里珠簾半城画艇百年花月維揚有君家丞相梅嶺  
舊祠堂每年到清明賽社傾城士女愁弄絲簧只無情  
堤柳舞腰還鬪宮粧扁舟上冢聽憐船重話興亡奈  
石馬嘶風銀蠶弔月往蹟全荒我亦當年薄倖曾吹過  
一帽紅香問桃花認否風前前度劉郎

尾犯

筍

李良年

竹風春尾聽捎簷剩有去年疎翠園官笑指輕雷後迸  
新泥斜碎籬邊乍見又穿透鄰牆背記先嘗最是江南  
果然燕子來未猶憶曉垞煙際山童擔向水市正採

桑時候除了蠶娘更無人諱花乳甌香朱櫻樹晚相逢  
長是待何日玉版閒尋青鞋重訪簫寺

禾中蠶時以笋  
貫同音多禁此

前題

高層雲

冷香飛徧剪疎簾早識去年雙燕迴坡絲雨融泥潤訝  
犀尖先見稀生白好任畱待成林便刷春煙不到閒亭  
暗添屋角都滿會話竹間僧院雕菰小設向晚正敲  
殘滑玉微糝吳鹽脆香流枕麥秀寒時蒼苞卸粉乍拋  
還卷想荒圃半驪新梢橫斜穿過窗眼

晝夜樂

卜婦遺釵志感

釵有火珠一顆今失所在

沈謙

清和風煖櫻桃醉。記合卺成佳會。玉樓向晚妝成親見。  
珠釵低墜。椽燭光寒。新月暎紅影動斜飛襟袂。回首漢  
皋空竟難尋。仙佩香奩狼籍孤燈背。但畱些斷金翠。  
幾番悔恨當時不與蝶裙同施。歛土揚灰休細覓。怎再  
上別人頭髻。只道在懷中。却原來是淚。

月華清

晚入退谷畱宿僧舍

沈岸登

臥佛山圻。退翁亭角。春風已掃巖磴。指點斜陽引我馬。  
蹄清興見十里五里青松映。將花未花紅杏。人靜但炊

煙樹杪萬峰都暝。載酒閒房深處縱赤米黃虀也須  
酩酊記題詩粉壁依然苔徑更坐起榻下沉沙共招尋  
水邊鳴磬清鏡照皇州一氣冷波千頃。

王阮亭侍讀書齋詠山鵬

曹貞吉

織翠爲裳凝丹作距飛來何處煙暝金索珊珊落下碧  
梧銀井憶蜀國待詔圖中共棘雀山花相映難定試洗  
却濃粧雪衣嫌影挂向玉堂深處莫百轉鈎輈惱人  
幽靚怕夢結梨雲數聲驚醒若覓句負手巡檐更攤書  
茶清香冷風靜好低回一曲伴他寒磬

珍珠簾

春晴

王 紹

晴簷群鵲喧聲起。報道芳菲如此。桃李恨年年。慣嫁春風裏。獨撫朱欄情緒懶。值得甚傷心紅紫。徙倚對鶯鶯。燕燕爭語花底。猶喜寂靜柴門。傍松邊山岫。柳邊溪水到處。揔韶華。領畧餘幾。蝶醉蜂酣。墻影外。粧點就。困人天氣。空擬將百尺游絲。和愁悄繫。

燕山亭

秋日謾園寓軒看竹

陸 某

垂了簾衣。宛在米家書畫船。牕中坐。秋局未停。玉子聲聲。聽得賣花車過。樹杪涼生。吹幾葉絮雲低。墮燈火。暈

粉莉娟筠翠捎香妥。纔度天上秋期對月徑風筵又  
陳瓜果南槽紅友內樣青瓷今宵錦茵拚淹嘶騎頻催  
便醉也欲畱無那歸可料寫入竹溪有我

前題

李良年

燕月微黃纔到竹間淡淡著江南影箔卷半窗露點涼  
波書屋短於煙艇底問青旗笑臘釀秋厨猶贍紅凝闌  
古色甌香汝哥官定還記舊雨梅邊又一葉飄梧者  
番清景吳根夢去蟹簾魚牀西風暗吹簞簟旅話今宵  
都忘了五湖歸興更靜便挑盡燭花也肯

清明同諸友飲金粟園杏花下

朱彝尊

鐘鼓新晴立馬斜陽滿樹胭脂勻透淡暝短牆曲護危  
闌更綴數行風柳燕外游絲惹多少粉香紅潤依舊正  
一笑花前去年時候况值寒食佳晨問挑菜何人闌  
雞曾否春衫試罷玉笛吹殘須盡百壺清酒剛得黃昏  
又疎影月明如畫搔首想來歲故園渡口

玉蝴蝶

美人

陳子龍

纔過十三春淺珠簾開也一段雲輕愁絕膩香溫玉弱  
不勝情綠波明月華清曉紅露滴花睡初醒理銀箏纖  
芽半掩風送流鶯娉婷小屏深處海棠微雨楊柳新

晴自笑無端近來憔悴爲誰生  
假嬌憨戲採芳草暗傷  
感淚點春冰且消停  
蕭娘歸矣莫怨飄零

水仙花

吳白酒

特地尋喧訪寂麻鞋巉石叩杖山塘幾處臨溪花市門  
掩斜陽秋光謝菊含霜去春信杳蘭怯冰臧且攜將水  
中仙子冷伴歸航幽牕好看承處高橫硯几低置琴  
牀遙覩微紅月月枉恁闌村粧惜微芬沉煙罷炷耐靜  
好醪盞休狂浪移情夢回蝴蝶絃泛瀟湘

春愁

周秀

葉純純

景色穠芳淒晝游絲無力嫋嫋輕柔欲挽春光同住堪



笑難留。碧煙侵舊時羅袖。紅香淡。獨自妝樓繡簾幽弄。  
晴啼鳥喚雨鳴鳩。多憂凭高一望江南。春色千古揚  
州。回首繁華斷腸。都付水東流。黯魂消。一番懷古空目  
斷。萬縷新愁。幾時休。綠楊芳草春夢如秋。

鎖窗寒

聞子規

龔鼎孳

楊卷紅樓。蘭缸寫影。玉蟾窺戶。枝頭一派送到落花風。  
雨對青山淚珠暗拋。斷魂說向天涯。語爲個人憔悴絲  
絲蓬鬢。十年羈旅。春暮牽衣處。有柳外鷗雙柔間馬。  
五湖光澈。澹供奉鶯儔。鷺侶憶故園寒食。清明紫驪碧。

草依舊否怕人歸滿眼斜陽画角咽芳俎。

倭奩

李良年

鳳觜勻初鴉翎染徧暗藏銀孕塵飛不上閃閃研光如  
鏡鏤旋螺小幅濃填雲峰花鳥纖毫釘料鑲魚溪貯鸕  
斑蛾綠鎮教相竝 儿淨看交映想浮天一葉海帆風  
猛鈿工市罷估客乍添歸興甚求仙徐福不還曉粧秦  
女猶未省待清吟試續香奩行波箋寫贈

前題

高層雲

蛾黛花疑犀膠貝閃冷光疑迸煙巒半幅粉本宣和猶  
剩穩霜禽一枝香雪分明細寫江南影伴碧窗岑寂試

勻珠鬢。傍他妍靚。漫省阿蘇迥。恁巧樣文螺。鴉青堪  
竝。黏天浪舶。甚日輪來粧鏡。愛半簾斜月。閒吟小立。竹  
間常自等。拂香奩。倒暈描成淺顰。應轉勝。

閣上

沈進

暗水疎籬。深雲就閣。月窺簾戶。風生木葉。颯颯似收殘  
雨。近黃昏。隔溪那家。鉏煙想有人歸語。看夜闌剪燭。輕  
紅可愛。共忘羈旅。衰暮相逢處。勸碧酒。殷勤白頭三  
五。前游多少。消盡酒朋吟侶。奈心情老去。漸慵銀鈎小  
字。重念否。等芳菲。恰是明年掃石畱樽俎。

雨中懷友用張玉田韻

丁煒

疎樹窺紅迴廊映碧小欄空凭雲愁雨峭消受水沉猊  
影訝東風開到梨花寒香猶沁綃衣冷漫簾帷低下妨  
他乳燕翠衾沾盡泥潤沿苔徑歎蔣竹成林誰烹陸  
鼎剪燈擘句待寄故園芳信甚浮踪水佩煙槎尋盟辜  
負鷗鷺等儘深宵浙瀝西窗夢憶巴山穩

金菊對芙蓉

上元

成德

金鴨消香銀虬瀉水誰家玉笛飛聲正上林雪霽鴛鴦  
晶瑩鳳簫聲動魚龍舞徧天街月影如水幽歡疑夢而  
今猶記嫩約燒燈追念往事難憑歎火樹星橋回首

堪驚但九達煙月依舊隴明錦江烽火連三月與蟾光  
同照神京小窗殘酒闌珊燈地紅淚偷零

初冬集愛山堂聽雨

吳參成

黃菊辭秋丹楓醉晚寒光半透晶簾更虫吟芳砌露滴  
虛檐舊年此日初寒也記龍涎寶鴨頻添清簫一曲紅  
分塔影綠壓莎尖筵前夜漏厭厭儘高談雄辨綠髩  
蒼髯指征鴻帶溼幾度江南涼雲淡靄朱闌暮望山頭  
黛剩粧奩間窗悄話催詩好雨滴盞頻拈

和錫鬯蟻磯弔孫夫人

曹貞吉

蜀國夫人孫郎小妹腰間龍雀刀環歎東南人物弱女

登壇錦帆搖曳江如練望瞿塘道路漫漫求安龍去蠶  
叢夢杳紅粉凋殘靈潭遺廟江干有雲車風馬霧鬢  
煙鬟悵西風白帝鸞馭難還千尋鐵鎖消沉後家何在  
兩地悲酸千帆落照漁歌唱晚露白楓丹

新雁過妝樓

虎丘感舊

陳維崧

紺殿雕軒千人石夜深曾記同游一天皓月和煙菴住  
長洲誰卷定風波一曲玉簪輕卸節秦謳蘸霜毫題名  
偏向青粉墻頭重來莓苔蝕徧歎風吹雨打往事都  
休迴廊堦盡數行難覓銀鈎池邊重窺絕磬只老樹斜

眠壓酒樓迴船好趁笛聲未緊歸伴沙鷗

垂楊

賦柳

蔣景祁

萬條弱縷傍青門紫陌迴廊淺小薄霧輕煙弄晴微雨  
餘寒悄紅塵今古長安道翠微裏碧雲深窈舞柔枝欲  
蘸清波拂酒杯多少張緒風流減了憶花夢種時腰  
肢初裊消息如今幾經攀折河橋曉離愁一片睂慵掃  
倩誰繫情絲縹緲好畱青眼相逢春未老

三姝媚

十姊妹花

李良年

曲欄春已謝。又綠刺鈎連數莖開乍。過雨晨粧看香肩。  
初竝薄寒亭榭。聯袂難分還只繞。薔薇舊架。採摘誰憐。  
一段閒愁低回自寫。小鳥呼名曾借。任銜了紅巾。啗  
啖不下。湘水雙妃更楊家五隊。嫣然相亞。睡起殘脂點  
石上青苔如畫。自顧無媒不願東風催嫁。

無悶

益都夫子飲我以太和春

陳維崧

履道坊西獨樂園中。朝散沙堤似水。擁絳帳。生徒青州  
從事。喚取鸕鷀杓。到付侍立青青小童洗。咬春說餅滿  
船藥玉幾甌水蟻。風味倩誰擬似梅瘦。春湖茶香官



煔儘濡甲。郵筒遜伊清綺。麴部休嘲戶小也。浮白卷波。  
如渴驥看瀉。向粉盞霜薨。一色白泱泱地。

催雪

秋日過城南顯親寺

陳維崧

潭北新秋。城南古寺。亂聲喧壓。激籟愛虎落三間。漁鱉  
一帶。林際紺殿銀牆。繡經幡風定。天花灑時來。樵語遙  
黏僧磬。晴添幽瀨。門外愁如海。有野蔓荒榛。叢祠破  
冢。閃石竹羅裙。多年色壤砌就蒼涼。景色到路。黑燈青  
啼。百惟只靜裏。掩住禪關。日看國山螺黛。

珍珠蘭

李良年

碎雨跳荷。連星綴柳。楚畹別箋蘭譜。想三斛曾量芳名。借汝開也。只如含蕊。趁月影微黃。黏清露。紋紗靜掩。一珠蜂背。却教偷去。闌暑眠正午。又生結。半奩小鬟催煮。甚風遠偏聞。細尋無處。記得章江。乍買有嶺外人家。迷香路。見十五五。釵梁風顫。晚街游女。

### 紅梅

曲按江羅。吟歛蜀髻。翠羽不愁春淡。訝瘦影無多。遠村先見。四百峰頭。開處認。蠟粉墻陰。閒庭院。雪香千樹。爲伊低襯。冷脂數點。弄晚湘箔捲。正獵獵寒催。墨雲遮徧。又橫幅半窗。夕陽微閃。懊惱杜紅兒。去便嬾問東鄰。

尋疎豔總怕得石上吹霞化作斷魂風片。

珍珠蘭

高層雲

露晚凝姿風簾裊影郢曲譜來應別倩蛾綠紋紗輕籠  
冷葉誰染淺檀魚子向翠縷煙裙黏珠纈尋香倦也素  
心含處任迷秋蝶幽絕粧乍怯正蟬翼半欹戴來勻  
貼更露溼芳叢擬趁涼月試問湘娥認否縱倚徧江花  
何曾折待貯得帳底清芬憎被小鬟偷揭

玲瓏四犯

味鏡

蔣景祁

鸞舞曉空鵲飛殘月漢宮春去無影一奩新水淥幾度

菱花瑩清光。炯然長映拂。薜苔碧痕逾淨。紅粉誰嬌青。  
衫有怨。偏照恁淒冷。秦嘉別來。愁迸賸玉臺寶色。虛  
對妝靚。開時朝黛遠。捲處輕煙暝。摩娑綠鬟成。辜負  
謾銷得。安仁秋興待訴與蛾眉。此情難暗省。

國香

木瓜

李符

裂葉風輕。任垂垂壓樹。顆重難圓。孕犀也同。款剛只欠。  
飄鮮競向霜前。采摘徧紅樓。酥手堆盤。餘馨染羅袖。絕  
勝金猊。鳳沫重翻。曉來香更好。是紋窗木啓。繡幔初  
褰。惹伊愛玩。爪痕着便。成斑似解。空閨。幽獨替相思抱。

苦含酸行行武陵路轉憶年時愁對秋山。

瑶華集卷十二

念奴嬌

九十三首

萬年歡

一首

御帶花

二首

琵琶仙

三首

渡江雲

四首

山溪滿路花

一首

遶佛閣

三首

雙頭蓮

一首

東風第一枝

四首

曲游春

一首

四代好

一首

高陽臺

三首

念奴嬌

客園讌集

錢繼登

客園如客五十載逆旅乾坤久寓離合升沉都閱盡最

有此宵歡聚。候看吳鈞憐。漢趙瑟總是多情處。追陪劇  
飲不知老景遲暮。甚笑金谷平泉蘭亭竹里。一樣茫  
無據。眼底酒杯聊共把。便是浮生遭遇。鳳管聲高。鷗絃  
曲碎。似欲畱儂住。嚴更催別。載將霜月歸去。

五十自壽

陳于泰

榴花照我笑疎狂。雙眼時青時白。種柳移松堪結侶。世  
上軟紅都隔。二樂名園三秋命閣。半畝溪干宅。杜蘅蘭  
芷有時散髮行摘。暇則爛醉高歌。清風明月倚戶招。  
爲客江左。夷吾應好在那。用東山復出伯玉。知非買臣  
幸貴。兩者誰相易。近來陶寫老懷絲竹閒適。

春雪味蘭

陳子龍

問天何事到春深，千里龍山飛雪解。佩凌波人不見，漫說蓋珠宮闕。楚殿煙微，湘潭月冷，料得都攀折。嫣然幽谷，只愁又聽啼鴂。當日九畹光風，數莖清露，纖手分花葉。曾在多情懷袖裏，一縷同心千結。玉腕香消，雲鬟霧掩，空贈金跳脫。洛濱江上，等芳重惜佳節。

送幼光還白門

錢 稔

半天紅葉被西風，吹出離愁千里。寂寞離亭，張宴後潮滿一江蘆葦。白鳥牙檣青山粉堞，鼓角驚濤裏，戍樓孤映。孤鴻飛破天水。堪歎磊落如君，春秋讀徧，尚牧公



孫豕見說長干歌舞豔羞向兒曹徒倚曼倩長饑仲孺  
薄醉意氣連雲起唾壺敲缺功名且看餘子

雨夜再送青藜疊緯雲除夕韻 龔鼎孳

疎燈細雨正客心蕭瑟秋行半矣青眼高歌人乍別誰  
向歡場奪幟六代江山五陵衣馬去任今宵裏更闌酒  
醒風帆愁見初起揚袂司馬遊梁終軍使越寂寂聊  
爲此一片鬱孤臺上月直接石頭潮水樓櫓丹陽尊羹  
笠澤攪亂寒衾寐朔雲回首棋枰翻盡朝市

花下小飲時方上書有所論列

回首餘興晒王章閨閣都無英物北關浮雲遮望眼誰

作中流鐵壁剪豹天關搏鯨地軸隻字飛霜雪焚膏相  
助壯哉兒女人傑投袂太息花前仰天長嘯正酒狂  
初發赤日金鱗霄漢轉坐見嶽搖氛滅一葉身輕千峰  
約在幸少星星髮與君沉醉玉臺斜過佳月

中秋和其年

霜新葉老乍天街湧出蟬娟孤月烏鵲繞枝棲不定萬  
里關山一髮蕩婦羅帷征人鐵騎搗練聲偏切瑤堦露  
冷流螢紈扇飛歇恰遇揮塵雄才吹笙小史暫遣煩  
愁豁城角射離沙陣陣催到臨渝早雪金粟含香銀蟾  
愛影玉斧休輕折百年此夜相逢不醉癡絕

夏夜

梁清標

涼侵疎簾看星河漸轉頻催城柝白舍香勻新浴罷月  
照殘粧綽約綉扇初停冰肌無暑重試羅衫薄花陰攜  
手一枝輕罨釵落聞道世態浮雲長安棋局俯仰成  
今昨人在瑤臺清露下消受藤牀珠箔橫箔高樓鳴蟬  
滿樹塵事渾拋却西風轉眼又驚吹到簾幙

舟發章門楊陶雲載黎園置酒敘別

江城如画雪初晴渺渺長天空碧好友輕帆攜酒到載  
得滿船春色吳下秦青新翻樂府橫吹寧上笛旅懷無  
奈荻花對此交集憐我海角浮踪逢君遷客相對頭

甚白舞罷柘枝歌。子夜攪起魚龍窟宅。杜牧情多司空見慣。懊惱紅燈夕。地鄰湓浦青衫。今晚重溼。

過綠柳長廊有感

渚沲南陌憶當年。綠柳依依堪折。夾道長條張翠幄。清影寒生六月。汗裛征衫。塵飛驛路。到此清涼別。今來駐馬濃陰。一旦殘缺。聞道舊日隋堤。看來潤樹空有蟬聲咽。可惜長廊煙霧冷。轉眼繁華消歇。莫問秋風樹。猶如此。何況三千髮長途搔首愁聽枝上啼鴂。

端午藍溪卽事

李雯

藍溪新漲看金塘。幾曲畫樓臨水。不捲湘簾人影動。水

戲魚龍競起朱果雕蒲粉盤綉虎長縷飄香細雲裏着  
雨更紫一川煙翠 回想家在東吳彩衣聯臂今日人  
千里有個凭闌凝望處繭絲香囊誰寄草號空男花開  
夜合都是傷心地雙雙碧鴨幾回驚起沙際

題子輔南京小築

錢繼章

幽窗雨霽試登臺重覽郊原風物約畧雨疎煙密處小  
石綴成蒼壁千樹寒梅一籬秋菊細細飄香雪支炎耐  
冷赤松吾友殊傑 回首落日煙波蘆中欸乃也漁榔  
先發剩水殘山和遠雁目送隋梁興滅竹馬童年離虫  
壯歲今各星星髮青衫溼盡琵琶彈斷江月

咏梅花片茶

杜濬

梅花落盡問梅花片是誰人拾得若比玉梅伊更翠若  
比綠梅伊白入手生香欺蘭壓蕙疑試廷珪墨呼兒敲  
炭莫教煙起松節直要石鼎通紅惠泉三沸幻作金  
壺液不是故鄉寧有此五月江城吹笛瀟霍雲深清明  
雨足奇薺如真色重封押字平生一片心迹。

早春送友人遊武林

施紹莘

煙堤初曉看船頭正上半輪紅日送子遠行何所贈一  
味可人春色蘇小門前西冷橋畔天把韶華擲儘君消  
受穩風人坐飛鷁記否酒泛山頭露橫湖面就月會

移席比翼而今已分散惆悵夢中油壁聞說當初馬蹄  
行處添箇墳栽栢君如弔取落花猶似人跡

懷古

史可程

崩濤疊浪映碧空如洗一輪圓月鹿走烏啼千古恨想  
見英雄本色市散蜃樓桑生貝闕鶴髮愁難說苙寒劍  
澌誰憐田島群客試問剡水殘山兵戈叢裏嘯強心  
誰熱冷覩當場分得失好謝廣長翻舌志遂飛虹名成  
露綬究使乾坤缺不如休去螺江垂釣煙闊

秋恨

吳湛

人清燭晚聽誰家擣練與秋空接恐是離人新舊恨應

到此時黃曆故苑荒臺年年照徹總是中秋月逢人生  
怕從頭喪亂重說此際高閣西風倦來無事只繡齋  
持僂猶憶年辰珠海上画舫同遊東粵時正風鳶羊城  
將徧向長空飛越何堪題雁別來幾度華髮

春雪味蘭

宋徵輿

東風悄悄送餘寒春色偏隨春雪綺閣依然幽谷裏一  
種國香清絕光滿銀屏人虛錦帳日暮水漸裂紫莖玉  
蕊亭亭獨倚瑤闕可惜燕落空庭蒼苔錦石一半紅  
文滅總有餘香歸客夢不謝當時蜂蝶不夜城中明珠  
影裏何處堪攀折他年九畹楚江無限風月



九日同友人登慧光閣

宋 琬

昔人多事把今日命以佳名重九青女連宵渲染作淺  
碧潑黃林藪傑閣千尋長江一瀉瓜步晴如豆帆檣飛  
下夕陽還繫堤柳休問高會龍山參軍同幕府其人  
存否占往今來屬我輩復共天涯杯酒日送飛鴻詩成  
戲馬莫放持螯手遠公微笑醉中應恕狂叟。

郭璞墓

弘農太守挽羲輪三舍乃心王室通策如神掠薊尾臣  
命盡於今日氣作長虹魂歸華表骨葬金鰲脊馮夷舞  
罷數曄欸乃長笛安得溫嶠懷中通天犀借我下窺

龍國江左夷吾今在否。石馬沉埋。荆棘鐵甕。旌旗金山。  
鐘磬閱盡興亡迹。中冷滿酌。一帆高挂。遙碧。

荷詞用僧仲殊韻

堵廷葵

漢臯薄暮乍凌波。倚翠漪紋吹素。三十六陂煙雨足。無  
數川妃湘女。顫玉停雲。盈盈欲語。月又明南浦。小船移  
過來。香人在何處。最愛水際珊珊步。搖青扇。萼滿心  
應苦。抱月飄煙。腰幾寸。把酒情懷孤注。茗椀詩箋。竹牀  
烏几。坐看翻雲雨。閩蘭開也。水亭應共。延佇。

送幼光還白門

曹爾堪

孤舟初發正嚴霜。似雪布帆如紙。一派殘雲縈別恨。愁

向青山隱几。晚圃黃花小槽紅酒。客路誰同醉。蒹葭點  
淡。自將管樂爲比。還念旅宿方寒。丹陽古道。老樹酣  
青紫。戍鼓沉沉天未曉。殘月模糊映水。白恰談兵。青燈  
讀易。滂灑英雄淚。啼鳥成陣。石頭城外潮起。

又

南飛烏鵲繞疎林。三匝無枝可寄。聊借遠遊幘。髣髴莫  
似相如憔悴。山峙金焦江來楚。蜀帆繫斜陽裏。中流擊  
楫。氣吞湖海萬里。雙眼一望蒼茫寒濤如箭。個個牙  
樯起。舊日精靈都已盡。何況堂前燕子。晉宋衣冠陳隋  
宮。寢社鼓神鴉耳。佛狸祠下。怒潮空打遺壘。

寄魏子存司李成都

錦官自昔稱都會。佳麗已消兵劫。望帝魂歸城郭。壞月  
黑悲啼古堞。劍閣哀猿力州嘯。虎蜀棧行人怯。草堂無  
跡。橙林猶戰風葉。聞道萬里橋西子。雲宅畔。豐草長  
林接。爲問薛濤箋在否。幾樹露桃紅靨。諸葛名垂文翁  
教。遠賦緬相如獵。好尋雙鯉。嘉陵江上行艤。

立夏日同友人集王丹麓齋中

滿天飛絮正夏初。臨也晴和時節。嘶斷玉驄斜照裏。亂  
撲銀鞍如雪。竹粉新含蜂黃漸。褪巧剪雛鶯舌。先裁白  
苧。楝花開後微熱。且放小艇隨流。言尋勝侶。酒茗香

清絕鵝炙魚羹供一飽蔬笋不妨頻擷劍吼龍堆經翻  
鹿苑往事閒中說留春春去似人容易離別

雨後高寄閣述懷呈西樵介夫 許承欽

連綿雨過倚危樓騁望悲歡相續世態浮沉飛鳥外多  
少雨雲翻覆海市蜃樓白衣蒼狗幻影同蕉鹿鮑詞庚  
賦年來殆不堪讀 日斷歷下名卿勾章才子韻度如  
林叔前度青梅曾煮酒齒遇自慚方幅文選樓空木蘭  
寺冷掩映莓苔屋預期颺館東籬更醉叢菊

後漢鄭褒  
字林叔

旅懷

錢芳標

此時故里正谿梅朶綻瓦禽聲碎蘭槩竹堦微霰霽早

晚攜壺鄧尉。曲榭衣香軟。泥鞋印。媚景烘人醉。當筵五  
斗高談不數焦遂。還憶樂事丁年。垂楊繫馬調笑青  
帘肆。聽罷綠鬢羌笛。句呼取銅盤鮮臠。宋豔班香吳飲。  
趙舞漸唱秋墳鬼。碧塘凭處。祇畱乳鴨雙睡。

雪霽有懷西冷

張芳

嫣然尤物是西冷。雪後廻眸時。節吹破水仙祠下。夢推  
起粧臺欲怯。蘇老堤邊林逋宅。畔風景蕭蕭別。新晴簾  
幙有人撚蕊能說。我亦羈旅吳儂待牽游舫。搖蕩初  
生月。銀色春城疑卷浪。月色湖光千疊。料得情親焚香  
炙硯幽事多周折。忍寒相見孤飛雁去如髮。

觀子瞻九辨帖

朱 隗

風流墨寶是坡公。晚歲淋漓雄筆。惟石枯槎非一態。浪  
疊龍騰蛟逸。去國懷人。登山臨水。况是清秋節。狂歌痛  
飲。拂箋何限蕭瑟。還想三楚才華。靈均弟子。困苦遭  
讒疾。瘴海雲濤。家萬里。似與騷人同律。九死餘生。兩朝  
遺老。問代神仙質。焚香展卷。千秋悲感橫出。

咏梅用東坡韻

戴 重

茅堂苔樹立寒霄。疎放翩然尤物可。是胡僧橫碧眼冷  
面。少林牆壁。姑射之山。神仙處。子肌體如冰雪。晝饑夜  
凍。古來有數豪傑。更似嬰鏢。是翁據鞍顧盼。荷鋌矛。

霜發易水蕭蕭衣冠暮怒目西窺秦滅海上羊羝節旌  
星脫十九年殘髮倂奇至此揚州莫咏風月

和美門

尤侗

虛生浪死奈頭顱漸禿肝腸如碎飛將高阜時不遇却  
遇灞陵亭尉感慨何爲不如歸去也學糊塗醉文皇九  
命此生萬事難遂眼看世態悠悠西江有水不到枯  
魚肆脫了青山披綠簪且飽銀絲鮮鱸棄蟻亾羊於魚  
得計吾讀徐無鬼人間不樂相忘惟一回睡

又

先生休矣歎元龍豪氣俯同群碎借問史公牛馬走豈



若爛羊都尉滿座貂蟬狗偷鼠竊偶爾乘天醉何如尋  
取當年初服堪遂君見入市者乎朝來駢足日暮成  
空肆損益盈虛都似此所以步兵思鱸漏盡鐘鳴夜行  
不止所見無非鬼人生一夢幾時喚醒鼾睡

贈梅村先輩

江山如夢歎眼前誰是舊京人物走馬蘭臺行樂處尙  
記紗籠題壁樣燭衣香少年情事頭白今成雪杜陵野  
老風流獨數時傑更聽法曲淒涼四絃撥斷清淚如  
鉛發莫問開元天寶事一半曉星明滅我亦飄零十年  
湖海看雨絲風髮何時把酒浩歌同送明月

梁溪周羽士精舍感賦

黃永

洞天福地問誰來，剝啄昔年狂客宅。  
十二年前曾一過，意氣鬚眉都別蜀。  
帝啼鵲令威化鶴，往事傷心絕依然。  
相見南樓今夜明月，樓外襍樹寒花樓中。  
楚楚幾幅雲林筆，丹竈繩牀仍未改。  
少箇樓頭吹鐵笛，高不勝寒仙乎欲去。  
待鼓凌風翼，瓊宮玉宇盈盈相望咫尺。

長歌

彭孫遘

知音寥落任壁間絃絕，市中琴碎萬卷詩書何所用。  
不抵一錢程尉入手，杯濃擡頭月豔人好。  
千場醉長卿倦矣，宦游問幾時遂。  
此去四壁猶存，當壚滌器賣酒臨。

耶肆春雨綠簑三尺艇釣取霜鱗雪鱸假貸爲生送人  
作郡怕殺揶揄鬼不如秉燭夜深長伴花睡

又

壯心難抑將亂絲斬斷連環搥碎七貴五侯今已矣說  
甚粉郎香尉公醒而狂臣饑欲死待覓播間醉平原何  
在白媒終笑毛遂曉來網得霜螯橫行崛強吾力猶  
能肆脆白肥黃堪一飽絕勝吳王殘鱸露氣高浮羽聲  
慷慨痛飲歌山鬼元龍臥榻肯容餘子鼾睡

京口歸舟

嚴沆

江船烏榜小揚州正值早春時節吹浪江豚都未起在

我期吟蘭棧路指南徐雲橫北固十里輕帆截金山晴  
了蒜山猶帶殘雪依舊樹影中流鐘聲兩岸風景真  
清絕狼石談兵何處是歷歷舟人能說劉尹荒廳孫郎  
斷冢總被寒潮囓晚汀孤泊玉龍誰叫霜月

送秦以御

李天馥

春明初曉忽鴉驚柳外樓頭鼓歇滿酌留君空浪語愁  
聽陽關三疊蓮子方花桐孫始帶頓悔聲塵隔揚州夢  
穩迢迢桂漿蘭棧同志正恨晨星無端尊酒誰教輕  
離別斷續煙巒瓜步杳好是潮通一葉旅况聞雞才名  
綉虎嬾漫談騷客江東奇士相看幾點華髮

和漱玉詞

王士禎

疎風嫩雨正撩人時節  
層蘇深閉幾日園林春漸老  
偏是鶯聲花氣紅友樽殘  
青奴夢醒寂寞渾無味  
關山萬里飄搖尺素誰寄  
香閣曲曲迴欄殘朱零落  
都爲傷春倚厭說鴛鴦還待  
闌繡被朝朝孤起額淺鵝黃  
睂銷螺碧嬋盡相思意春來  
情思小姑將次知未。

紅橋宴集

孫枝蔚

柳衰如此笑忙人  
城市終朝相逐  
画裏煙波誰作主  
付與雙鳬孤鶩  
選伎徵歌尋花載酒  
此是吾曹福  
風流前輩揚州莫讓杜牧  
借問螢苑雞臺繁華幾處  
但見青

山禿多少興亡看過了且看湘裙六幅年少飛揚輕衫  
匹馬學射林中鹿老來腸斷如花人倚修竹

前題

鄧漢儀

年來驚看是揚州戰壘依然花竹瑣閣重簾蕉雨度却  
羨半溪寒綠硯匣新移香奩徐展占盡今生福隋家天  
子枉誇清夜游曲窠是紅粉青螺解人情緒翫地風  
流熟薄倖分司殘夢覺轉煞腸中車轂齒髮難憑雲霄  
總幻何似花間宿真無箇事直教打點金屋

廣陵舟中送遺庵先生還陽羨

邗溝波漲看紅橋斷絕簫聲釵影剩有舊時沽酒路疎

櫛寒度相映。白髮詞人青衫病。客偏話開元盛當年。此  
地曾將絃管私聽。今日鼓角喧闐。單囊破帽踪跡重。  
難定還指銅官巷。問好風月助人佳興。摘蕙山頭。焙茶  
院裏。清物憑持贈與君惜別。雙溪兩漿重訂。

前題

紀足

老成詞藻論佳句。子野休誇三影人。在廣陵題別賦夢  
裏。江花相映把袂揮毫行杯度。曲絕憶當年盛牽角岸。  
上蟬嘶柳外難聽。曠昔意氣文章汝南月。且翻倩傍  
人定眼。底半騷愁欲絕。懺悔今翻游興。樹影河橋驪歌  
水驛勝似綈袍贈會當飲餞。画船明日重訂。

集飲陳原舒寓園

余懷

南岡小巷問何人，欵客孟公投轄百尺高樓君獨臥。  
剝啄花間驚聒霜，葉翻背露葵堆砌。掩映陳蕃榻，悲歌斫地一時真是狂客。  
剩此六代江山，供虎頭、驅染發揮。凝點插劍酒酣肝胆露，莫問魏三張。  
八秋水當門，江魚入饌，勸爾休彈鋏。斜陽歸騎兒童笑，指紅頰。

于忠肅公祠

小舟如葉放中流，搖漾一湖春水。古木豐碑苔蘚裂，碧血鱗鱗猶泚北狩。  
南宮西陵東市，總爲君臣耳。杜鵑啼罷，有人歌哭於此。當日白骨青山，孤墳聳峙。  
石破驚



山鬼淚灑兩朝冤少保遙望荒祠遺址積藻盈杯棠花  
滿地欹帽斜陽裏回颿日暮汀鷗無數翔起。

秋浦

顧貞觀

遠天秋淨正西風杭稻江鄉初熟竟日帆移簪影外臥  
桡村扉斜矗別浦潮回平磯葉掩籬落輕鷗宿薄寒吹  
上春山淡淡凝綠眼底人麗如花魚多似米船却高  
於屋雞犬圖書無恙在生事此中粗足煙水攜家五湖  
雙槩舊約何年續客游良苦倦聽商女遺曲。

題王右丞初冬欲雪圖

吳興祚

此圖幾丈王右丞寫作初冬欲雪凜冽朔風生紙上吹

得虬松都折寒鵲低飛山雞僵立溪水冰將結灞橋景色  
畫來定少分別 再向淨几明窗從頭展玩較江天  
更切放鶴逋翁何處去料想孤山無月谷口樵夫磯邊  
漁父渲染真三絕自攜村酒一尊梅放時節

秋夕聽歌

毛先舒

中秋近矣正涼颼輕爽彩雲團結緩緩清歌天外起燈  
穗和香如屑笛孔驚寒笙簧試煖漸入宮商咽美人紅  
豆隔簾偷記新闕 坐上有客疎狂抽簪叩盃碧玉幾  
敲折寄語姮娥休笑我此種情懷難說月照白榆風吹  
青桂滿地流煙雪一聲嘹唳任他山竹驚裂

黑窑廠登高

魏學渠

憑高矚遠正搗衣。天氣長空凝碧。芳草斜陽。人不見。知是他鄉九日。銅馬門前。晾鷹臺下。盡道飄零。客消愁。惟酒阿誰一飲千石。雲際數點飛鴻。西山依舊。青靄紛如織。以下半山。純黛色。陵樹已非疇昔。露冷金莖。歌殘絳雪。浪把秋光擲。故園何處。五湖舴艋。簑笠。

西湖逢集生并訊其年

陸嘉淑

重來幾度見湖光山色也。應非昔。樓閣笙歌。何處是舊日西陵松栢。寶慶君臣建炎。宮殿一片秋山碧。空留画舫遊人。猶是終夕。君自江表才人。登臨吟嘯。感慨悲。

何極萬騎旌旗千嶂月愁聽湖亭風笛黨籍聲名煙雲  
變態易遣頭須白天涯問訊秋來憔悴詞客

遊土城山

吳棠禎

土城山舍曾經當日浣紗人住夜半衣香飛不散  
隨下花邊春霧草認珠鬟苔侵繡襪指點行雲路門前流水采蓮新曲時度  
一自送入姑蘇漏殘春煖錦帳眠鵲鵲可惜戈船橫茂苑驚散宮門簫鼓紅粉乘舟黃金鑄像夢裏歸鄉土小橋煙柳羨他窺見歌舞

清明後一日集吳山望西湖

陸進

暫攜嘉客集吳山頂上閒評今古宿雨野雲渾未散一

似情懷淒苦。宋室衣冠。錢家宮闕。試問歸何處。惟餘佳  
景。任他鶯燕歌舞。况爾節屆清明。濃煙淡日。脉脉連  
平。楚玉笛。雙吹聲更好。喚醒兩峰。睂嫵翠幙。含山虹梁。  
壓水。莫把芳年。悞一尊常對。與君休歎遲暮。

暮春

張台柱

游絲裊裊繫殘春。不住風吹。欲絕不怨。柳梢花倦。盡但  
恨漫天如雪。江北江南。斷腸消息。燕共鶯兒。說盈盈一  
水。人間多少離別。樓外一抹輕雲。慣將夢阻。欲睡心  
先怯。江漫淚珠流不去。山斷離愁。重接羞理。殘粧胭脂。  
淺淡。仗酒紅雙頰。沉吟坐久。画屏飛上銀月。

寄友

成德

楊花飛絮歎沉沉。庭院春歸何處盡。日黃塵飄綺陌迷。  
却夢游歸路。世事悠悠生涯泛泛。醉眼斜陽暮。傷心怕  
間斷。腸何處。金鼓。夜丙。月色如銀。和衣高臥。花影斜  
街度。脉脉此情誰得識。又道故人別去。細數落花更闌  
未睡。別是愁情緒。聞人長嘆。西廊惟有鸚鵡。

廢園

片紅飛減。正東風不語。只催漂泊。石上胭脂花上露。誰  
與画眉商畧。碧甃餅沉。紫錢釵掩。踏金鈴索。韶華如  
夢。爲尋好夢。擔閣。又是金粉梁空。定巢燕子。一點香

泥落欲寫花箋憑寄與多少人情難託梅豆圓時柳綿  
飄處失記當時約斜陽冉冉斷魂分付殘角

家信至有感

吳兆騫

牧豎沙磧待風髮喚作雨工行雨不是垂虹亭子上休  
盼綠楊煙縷白葦燒殘黃榆吹落也算相思樹空題裂  
帛迢迢南北無據消受水驛山程燈昏被冷夢裏偏  
叨絮兒女心腸英雄淚抵死偏縈離緒錦字闌中瓊枝  
海角辛苦隨窮戍柴車冰雪七香金轡何處

茉莉

王彥泓

簾櫳午寂正陰陰窺見後堂芳樹綠徧長叢花事杳忽

見瓊葩丰度豔雪肌膚並珠標格消盡人間暑還憂風  
日曲屏羅幙遮護長記歌酒闌珊微風暗麝笑霓衣  
沾露月沒闌干天似水相伴謝娘窗戶浴後輕鬟涼生  
滑簾總是牽情處惹人幽夢枕邊零亂如許

咏冰

沈謙

玉壺一夜把青霜皓月團團結就惟道綉衾寒似鐵向  
曉不聞蓮漏映日孤疑銜花魚上遙想融和候渟沚正  
合可憐車馬馳驟還憶翠閣佳人曉窗垂淚珠玉沾  
襟袖挑得口脂呵又凍紅入小桃偏厚鏤管微含金簧  
旋炙悶把無情况東風早至寒江吹變醇酎



春情

柳梢雪盡正東風淡  
池金芽初綻望得春來人又去空  
鎖翠苔深院鏡匣微開簾鈎反挂  
盡日消香篆早梅開了隔窗鸚鵡驚喚  
教我換取春衣小衿禿袖端的誰  
裁剪原是沈腰今更瘦寬玳頻移帶  
眼暗想佳人羅衾  
畫擁也是看春嬾待將書寄問他  
看黛深淺

金陵懷古

姜 垚

臺城煙柳間垂垂一帶被誰攀  
折金粉六朝多少恨流  
作秦淮嗚咽高閣紅燈  
畫船翠袖鏡裏還明滅  
鈿釵零亂至今遺老能說  
恠底紫陌尋游莫愁湖畔捲銀濤

如雪啼得子規聲最苦纔上一輪明月帝王經堂貴妃  
粧閣一樣都消歇雞鳴風雨當時何處宮闕

彭城經漢高祖廟作

朱彝尊

歌風亭長剩三楹遺廟斷垣摧棟莖碣雲蘿銷已盡惟  
見馬頭山擁逐鹿人亡斬蛇溝冷一片閒丘壠綵幡斜  
挂綠楊絲裏飄動贏得割據群雄六朝五季各自誇  
龍種魂魄千秋還在此人競野雞誰共社古粉榆村遙  
坐覲孰管神迎送行人憑弔看來終勝劉仲

同王北山葉訥庵王阮亭過張晴峰寓齋聽金  
山人彈琴

宋 肇

消憂何處憂張融舟屋軒窗偏闢綠樹陰森新雨後  
架藤花爭發文酒移情煙雲過眼俯仰塵襟豁枯桐挂  
壁鞠通隱隱曾鬻客有江左風流郢中高調抱取金  
徽拂四座無言燈影靜清響傳來超忽曲奏離騷腸迴  
水炭宿鳥驚林樾喀然相對當簷飛出明月

天龍寺

曹貞吉

蒼苔古瓦是人天法界雲山深處燕麥兔葵荒草地人  
道高王曾任水殿風涼瑤臺露白院靜渾無暑流螢閃  
閃宮牆飛入無數遙想渭水邙山東西轡觸五技窮  
鼯鼠敕勒老公歌慷慨早見英雄黃土馬前功名人龍

意氣揔逐西風去繁華消歇統然朝暮鐘鼓

由亳州至歸德途經木蘭祠

陳維崧

苔垣蘚逕見靈旗玉貌娟然幽處傳是木蘭遺廟在多少  
神絃賽鼓繡袷蛾眉紅粧猿臂颯爽真軒舉雌雄撲  
荆世間何限兒女今日滿目關山極天士馬殺氣連  
營苦安得月明飛錦繖壓倒蕭娘呂姥娘子軍空女郎  
祠圯俛仰悲今古空墻壞壁面衣剝落如雨

宋景炎席上贈柘城李蓼墅

中年以後早傷于哀樂頓成頭白適過章華爲劇飲倏  
遇中原詞伯劍氣縱橫酒腸跳盪老筆蒼無敵霜寒月

苦爲君細吐胸臆。今夜玳瑁班蘭紅絃郭索撾鼓催  
行炙難得他鄉歡笑極况有吳兒似雪君欲歸耶住爲  
佳耳底事搖鞭急回聽筵上歌珠一串堪拾

用前韻酬柘城李子金

雲飛千里步睢陽市上忽逢李白笑顧群公摩腹語空  
洞容卿什伯嚼藍吹花馬梢名理豪蕩真難敵禪厖拉  
雜酒酣披瀝衷臆聽說湓浦鮫人鞋山龍女嗜古如  
牛炙曾挾奇文過灌口浪打片飄堆雪豪奪何傷書淫  
不悔那畏波濤急擲書柁底百靈任爾爭拾

用前韻酬鹿邑張子武

灣裏望海門如髮。松陰蘿葉舉頭又見新月。

憶遠閣

陳維岳

無情明月照画樓。高處迢迢垂練。劈紙題詩。今不見羸  
得垂楊千線。銅嶺如眉。滿湖如面。可惜征夫遠。樓前画  
景。昔人曾寫。紈扇。當日少小。凭闌。主郎謝妹。羅袖空  
中卷。往事繁華。同過夢三十。光陰如箭。雕檻蕩紅紗。窗  
冷碧。秋水添愁怨。他年重倚。似曾相識。歸燕。

將返梁園和大兄韻

陳宗石

蓼莪罷咏。歎兄南弟北。頓成離別。一夜西風。驅斷雁。月  
冷後。湖空闊。千里睢陽。三更梁苑。夢裏思鄉。切悲來欲。

語口中無奈銜闕。幸喜故里重來對牀風雨細把離情說。毀卵破巢多少。贏得孤身天末。倏忽春深無端秋盡。看到楓成血。扁舟江上可憐明又將發。

自壽

史惟圓

粗豪意氣憶當年。蟻視中原人物。年少雕虫矜小技。便欲請纓大闕。排策金門。驅馳玉塞。徒有衝冠髮。荒雞夜叫。迢迢魂夢飛越。誰念暗換年華。依然潦倒。嚼草根求活。贏得秋霜明鏡裏。一輛芒鞋。閒客雨棹。煙帆酒旗。戲鼓流落無人說。冷清清地。夜牕撲盡殘雪。

其年緯雲南耕援梅南礪詞以問之

山中何有只僧厨。蔬笋竹籬間。物寒瀑千條飛不盡。挂  
住危崖絕壁。遊屐停時。落梅深處。恰似旗亭雪。問誰同  
倚半空高閣。雄傑。幾度流水斜陽。老松無恙。有新枝  
初發。金谷名園。今在否。一點禪燈明滅。問訊山靈。駐年  
何計。爲我滋華髮。塵中遙望。四更猶吐殘月。

送桐初返東阿幕用原韻

陳枋

東裝底惡向僕夫。寒語燈青月白笑。我借人杯炙慣醉。  
則持觴。漆席君豈援梅灞。橋別路雪上添驢跡。今朝却  
歇沽來何處重碧。聞說君去東阿。他鄉往返百倍傷  
行色。況是銅城雙驛。路愁煞詞人爲客。圯叟祠荒項王



塚破萬古成寥寂登臨無奈官梅且倚吹笛。

登黑窩廠

魏坤

帝城風景使鵝溪十幅丹青難染煙樹蒼涼天一色白  
草晴沙畫捲臺上盤鷹壇邊走馬鳳闕雲中閃影低鳩  
鵲翠微遙接西巘極目帶海襟河諸峰環衛形勝誇  
天險此日登臨雙眼豁却笑十年窺管欲覓荆高醉歌  
燕市易水寒流淺舉頭南望數行征雁淒斷

咏月

姚明頴

嬋娟何處看團圓明月玉闌孤凭銀漢無聲光似水天  
闌琉璃千頃柳影輕篩竹陰低覆恍惚迷花徑何人吹

笛夜闌無限清興。不道有客西園臨風遙憶。望着紅樓迥雲髯。翳鬆簾外步坐久。眞愁露冷。玉漏將殘。羅幃強入料得眠還醒。曉風數陣梧桐亂落金井。

九日題澹遠堂

馬鳴鑾

園花開謝又匆匆。過了重陽時節。一枕疎簾。憎客夢。午夜熏爐寒怯。戲馬臺前龍山席上。今古傷離別。紫萸霜鬢舊游鴻爪難說。聞道鸚鵡洲邊。雕旗殘角。吹徹纖纖。纖月故壘江干。遺石在新壘。煙波千疊。百尺樓頭元龍豪飲。醉把芙蓉折。遶池煙樹。輕風飄動華髮。

和朱希真中秋

朱淵

遙憐兒女對秋容。新沐一天涼。月低映簾牙。窺綺戶團  
玉正。浮仙闕。霧溼銖衣香。消羅袖小。膽金鈴。掣空濛。一  
片草光。苔影相接。應念紫塞征夫。沙場風露。變鬢平  
添雪。萬丈寒。苾千斛。水飛灑。高城清絕。夢好曾歸。山盟  
依舊。冠挂如雲髮。此情此恨。古來多少人說。

無題

劉雷恒

早知離別悔當初。一笑等閒心許。自與雲英成間隔。回  
首玉京迷路。篴扇涼。深機絲露。溼冉冉。三秋暮。細蟬零  
落伊州一曲。誰鼓。就裏多少相思。絨愁欲發。祇欠歸  
鴻度。竟夕清砧。將遠夢分付。月明來去。小影薰香。新詩

斷帶觸着添離緒寄怪安否此情惟感鵲鴒

汴京懷古

董俞

隋堤何在見晴雲夕草蒼茫無際皂帽蹇驢憑弔罷閒  
憶汴京遺事花竹梁園煙霞良嶽何處尋荒址繁華消  
歇斷腸戍鼓聲裏堪歎蛾賊紛紛洪濤昏墊一夕漂  
朱邸只有金梁橋上月曾照歌樓燈市楚漢滎陽秦曹  
官渡懶去評青史黃沙古堞暮鴉落日飛起

廬山用烏絲詞韻

曹亮武

十載空山記禪房聽盡晨鐘暮鼓直到匡廬高萬丈方  
信峰危無虎雲海春溪松濤夜沸不住真何苦向時歸

夢今番那許重作 爲訪五老三臬黃崖白鹿踏盡欽  
歛路此景人生能幾見莫歎天涯羈羽惟石爲朋閒花  
作伴不受他鄉候清凉臺上夜深常共僧語

江南奇旱時撫臣奏欲告糴湖廣而楚中荒疏

復至

湯思孝

那堪回首盼江南如聽哭聲千里久矣徵求民力竭經  
得魃災連歲餓骨啼風饑魂侶鬼鄭俠圖難繪癡兒弱  
息不知朝夕何計聞說告糴鄰鄉早驚傳語又楚天  
憔悴望絕焚黎除是走擬遣張槎高貸織女施衣牽牛  
轉粟星漢憐存濟朔風吹惡哀哀鴻雁天際

秋齋拭劍

潘 耆

西來爽氣覺雲意，闌珊山情輕薄故。壘荒城何所有，敗  
葉寒煙哀角。一水鳴秋，千林傳雨，斜日亭亭落。此中有  
客，經年經歲，蕭索。匣臥三尺吳鉤，空長吟悲嘯，中宵  
躍躍。伴我青毡，和自髭負汝。十年鋒鏑，月迸冰花，霜搏  
電影，勢欲搖山嶽。投之七澤，我將歸事丘壑。

殷仲弟初度兼懷季弟在燕

九月八日

洪昇

露濃霜冷，葉紛飛樓外，寒蟬將歇。況是菊花堪釀酒，那  
用長生桃核。健筆凌霄，高懷撥霧，年少真才傑。一聲鷺  
嘯，海天驚破秋月。迴憶昨歲，河橋驪駒初唱，執手難

輕別縱有茱萸誰待。不記登高時節。兩地都愁。三人各瘦。鴻雁應能說。何當歡聚。乘秋共醉瑤闕。

送梁汾北上兼柬蛟門雷文

沈爾燦

開簾風動正吹梅。小徑一枝餘白。水驛迢遙。津鼓隱隱。亂茂陵詞客。拂面塵輕出山。泉遠回首。桃谿隔。美人北指。布帆猶挂殘雪。因念落拓江湖。經過趙李。往事隨癡蝶。紅雨飄零。身被酒數徧。金星銜月。昔昔懽懽。無春春鏡換。夢裏鶯歌歇。故交如問。玉河衰柳還折。

題蔣京少梧月詞

時京少將遊山左

孫引之

諸公衮衮問妙年。賦手孰先旗鼓。公子柔情風絮似偏。

解斬蛟射虎。逐恨香塵斷腸煙雨。此事卿何苦。一吟拍手再吟狂。叫起舞。還憶小宋當年曲江。題罷得汝同千古。只少紅兒推半臂。金縷銀箏共譜。醉後鶯花醒來。梧月添得多情句。驅車秦岱。煙雲衣被鄒魯。

早春微雪和漱玉韻

蔣景祁

今年早也。恰草根。曉染紫蘭。叢閉綴絮。侵簾妨遠夢。緩駐芳和天氣。舍館帘搖。寒尊集。減莫點春盤味。鱗書題就。最憐冰玉同寄。漸是拂樹垂條。楚山銷徹。眼稀微重倚。巧法蟾娥。瓊沼浴曲罷。雙睂羞起。笑墜珠鈿。平開嬌面。林下先傳意。繁英細疊。曉鶯明日來未。



贈曹荔軒用東坡赤壁詞韻

君才英絕問車邊。豈少此班蘭物。出匣于將騰恠彩光。  
射陰陰四壁。文豔春華。筆垂秋露。氣味如冰雪。甘泉豹  
尾。從容躍馬奇傑。况復路入桑乾。平沙漠漠。擊草鷹  
初發。萬騎回中從獵。去醺酒夕陽明滅。玉勒風嘶。玳弓  
夜吼。冷浸蕭蕭髮。吟鞭搖動。驚飛易鵲。霜月

送次山之濟上和姚仲潛韻

昭王臺畔。歎年來送盡此江南客。氣許干霄。壁立半  
世。老於資格。况復紛紛鷗鵠。啼破幾處君行得。一編詩  
卷空嗟白也無敵。爲訊濟上諸賢。風流斯在。俯仰悲

遺迹寂寂笑人思鄧禹二十汝年餘七自分歸休還期  
努力齒折看予履他時相念應憐今夕何夕

二月三十日宋尙書席上作

微寒猶怯正尙書休沐芳筵初列閣雨濃陰簾外重細  
蕪蘭膏香眉鳳脰長垂龍團乍試碧璣春醅發清歌一  
縷小池飛起鞋鉞 聆此玉管吹來伊州入破絃索三  
條撥街鼓沉沉催下了紅燭十行齊跋薊北遊頻江南  
夢杳纖蒨思彈缺相將上巳湔裙挑菜時節

萬年歡

癸未春作

龔鼎孳

一笑東風喜寒梅向繁香散瑶雪攜手花前重見酒杯  
豪發鐵石銷磨未盡算只有風情凝絕生拋撇瘴戟蠻  
裝更央珊瑚枕埋骨而今虎鬚怒歇料天荒地老比翼  
難別絡粉調笙還讓引裾人物儘取頭廳重印肯換却  
纖纖霞幘甘心畧錦隊鉗奴五湖編管煙月

### 御帶花

有感

顧貞觀

梳粧樓下捫碑字金碧依然天半龍舟寂寞信波翻太  
液藕花長滿知否凭高無限意幾增悽惋傳呼遍平明  
騎馬值紫宸班換指點重瞳親御處飛閣千層彩虹

雙轉朱顏頻改都不是尋常意中庭院飄泊青衫隨例  
屬天家拘管憶二十年前慧業侍玉皇香案

感憶

顧彩

長亭芳草離人處讀遍荆榛碑碣風村雨店止詩魂愁  
老酒狂翻熱知否滿頭華髮意可堪淒絕垂鞭去有人  
喚馬向柳條頻折嘗盡天涯羈旅味不願今生更言  
離別朱顏凋謝有千種風情對誰明說薄薄青衫多付  
與淚痕沾溼倩山館杜鵑啼後問五更殘月

琵琶仙

月夜虎丘獨坐

錢芳標

茂苑煙花都分付短簿祠前石無數雀舫笙歌春游  
鬪裙屐問此夜茶煙佛火誰消受廣塲月色伯主雄心  
名姝巧笑墓草同碧記當日歸櫂乘秋坐群從醺醺  
翫蟾魄只合是鄉老矣混酒徒狎客惟底事閒雲出岫  
又逐他燕市杯炙甚日簞笠橫塘樵青吹笛

秋日桑乾河上見白燕

朱彝尊

遠渚秋光早疑是兩岸蘆花如霰剛得軟語輕迴差池  
轉堪戀思一縷紅絲繫住怕飛入掌中難見明月樓臺  
梨花院落曾否尋徧問何事沙際飄零惹西去潘郎  
鬢都變爭向水晶簾外對曉風初捲看画閣銀釵幾許

留伴他傳粉人，固惟道下女。縫衣一雙并剪。

荻渚

銷夏之四

陳枋

湖畔青青遠，疑是三十六陂。秧浸五月，蕭颯閒塘，描成  
早秋景。便不雨，冥濛似雨。但葉葉梢梢，蜂冷六尺蒲帆。  
雙竿酒幔移坐，煙艇乍風起，吹亞沙邊。漾空翠，明涵  
葛衣淨，猶鷺帶波飛去。正水天相水，露幾處魚標，淺在  
倚緯。蕭蕭返照，疎影好放一簫中流，碧虛如鏡。

渡江雲

中秋無月

吳易

喚吳剛何在，憑將玉斧爲我掃。豐隆道天公老去，愁見

今秋不比往時同。興亡滿眼齊州恨。九點煙空那堪照。  
秦關漢苑。楚殿吳宮。朦朧銀河影沒珠斗光收。淡  
鎖霓裳。夢寐斷魂繞枝驚鵲。失侶哀鴻。何年赴瓊樓舊  
約。橫鐵笛。翳鳳驂。龍挽東海爲伊洗出瞳矐。

送京少之楚省親

儲方慶

君才真十倍黃金待價。一字爽秋毫。丈夫同氣盡况值  
霜天雁影。理征袍高歌且當驪駒曲。安用牢騷。看茫茫  
古今失路。多半是吾曹。飄搖浮雲蔽日。急雪迎風。正  
長途顛倒問江山。有何爰兀幾許波濤。悲涼題徧芳洲  
草。綴蘭佩。屈宋無聊。吟詩後不知誰在層霄。

前題

朱尊

琴瑟街鼓歇驚沙卷雪白日澹幽州望疎林郭外剪剪  
酸風鬢篋響籬頭三杯兩酸旗亭酒怎把人留看一霎  
懷絲竹帽驅馬渡盧溝離愁萬重煙樹下疊雲山縱  
相思夢有尋不到清江古渡黃鶴空樓趨庭正值椒花  
燕醉春盤儘許風流能記憶賁田陽美人不

江行自天門山至采石作

蔣景祁

青山遮不住奔流直下湧作海門濤一帆雙黛掩又是  
荒煙采石弔前朝回頭六代繁華地分付回潮問金陵  
埋金舊處王氣幾全消蕭蕭蘆花捲絮雪浪拖銀聽



漁歌環繞喚閒愁。玉顏駿骨一樣波漂。多情千古峨眉  
月夜臺。伴李白牢騷。江山在。管教吟斷霜毫。

山溪滿路花

故障山中訪伎

沈謙

溪回菴西漠漠寒煙鎖。垂楊隔虹橋。新月起。亂鶯啼破  
草香沙暖。此路是天台。環繞峰千箇。屢下雕鞍坐。撫景  
尋思。幾時夢裏來過。朱扉半啓。小立雙鬟。彈仙飯。雜  
松雪。低問取。阮郎曾餓玉。笙吹罷。萬樹碧桃開。人照紅  
窗火。醉醒愁無那。春夜厭厭參旗樓角斜。欵

遶佛閣

臘月十一日同友登只多庵新閣見雲幃上人  
案間便面爲見山遺跡悵然

錢芳標

凍雲乍斂西望一帶山髻螺淺衰柳沿岸個中隱隱紅  
樓靜垂幔矮橋窄板藜杖渡處霜沼如練闌影凭徧笑  
指刈稻村墟爨煙晚有客正棲息坐我焦團供茗椀  
不待夢中青衣逢講院對粥鼓齋魚應慮都遣故人虛  
幻只數筆秋林猶綴殘扇付枯禪霽窗閒慨

寒夜登惠山草庵貫華閣

陳維崧

亂峰堆髻夕景木末殘雪崖際一派空翠飄堂語悄山  
牕落松子小樓欲墜斜嵌巖磴蹲若奇鬼瞋色晴霽粥

鼓禪板渾忘在塵世。開士暮歸晚鉢向石橋溪澗洗。  
坐客松寮鐘鳴黃葉寺。喜今夜關河一碧千里。感傷身  
世。看六代青山月華如水。是千秋倚闌人淚。

同友人飯文公半齋

曹溶

綠蘿似画香臺幻。出半吐雲幔。寒日偏短。馬鹿洗後。千  
林咽霜。管小山覓伴。攜手樹下。軟語相暖。金磬穿斷。茗  
香裊娜。新菰又盈盃。老境愛孤往。縱有雄風吹不轉。  
裘帶寂然。瞿曇分別館。對白髮垂顛。前事難算。寄愁當  
緩。看落盡水花城上。春滿客歸谿影空零亂。

雙頭蓮

嶺南元夕

梁清標

海外繁華看絳燭圍紅星毬初放蠻韉錦障月影裏忘  
却鄉愁孤况暗想京國燈宵阻雲山千嶂春一樣紫陌  
香塵有無鈿車來往 憑仗午夜笙簫把軍烽靜偃消  
除兵象江潮晚漲燒火樹粧點羊城尤壯聽罷白苧吳  
歛有周郎座上天萬里對酒當歌相看懷慷慨

東風第一枝

途中送春

梁清標

柳絮鋪勻梨花落盡客愁踏徧堦砌輶軒尙滯歸途  
關共誰同倚江南春色都分付野田流水問幾家煖炙

笙簫何處競薰羅綺。門悄悄。戍樓晚吹風閃閃。驛燈  
落翠枝頭。嬾聽鶯奴。簾間怕飛燕子。流蘇宛轉。想小閣  
短檠。鍼指盼。此宵有夢。先回可到。鴛鴦幃裏。

送春

袁 袞

露泣疎英。煙啼密葉。惹起傷春情緒。游絲不結。芳魂晚  
風更催弱絮。鬱金堂靜。曾收得燕泥香未。顫枝頭雨點  
嫣紅。畱得住些春意。雲脉脉。珠簾怕捲。雨細細。玉牕  
慵倚。画樓錦瑟無端。紫陌翠鈿畢聚。黃鸝無數。怎解說  
春歸何處。恠春來賺得愁多。何不早將春去。

桃花

成 德

薄劣東風淒其夜雨曉來依舊庭院多情前度崔郎應  
歎去年人面湘簾乍捲早迷了画梁棲燕最嬌人清曉  
鶯啼飛去一枝猶顫 背山郭黃昏開徧想孤影夕陽  
一片是誰移向亭皋伴取暈斜青眼五更風雨莫減却  
春光一線傷荔牆牽惹游絲昨夜絳樓難辨

春夜集友人寓齋看燈上美人 汪懋麟

剪韭韶光落燈時節東風今夜初緩縷金屏內香濃碧  
玉盞中春淺易聲報客正風揭西簾絲軟好良宵不飲  
何爲況有玉鳬銀燕 紅燭裏忽拋星眼綃幙外誰凝  
雪面依稀人在瓊樓只少歌翻聞苑画圖相識又惱亂

心情如線最牽愁我夢揚州月下簫聲曾見

曲游春

蝶

鄒祗謨

柳映花瘦日正綠煙如水紅雨成徑栩栩飛來兒等香  
覓豔輕狂不定乍遇微風起又依却苔鬚欲凝前身香  
國翩翹應知好夢難醒悵好多情成性向綉幕晶簾  
時弄雙影占盡芳辰只燕昏鶯曉江南佳景長博雙蛾  
喜簇繡處白花恰稱不道粉褪香殘人薄倖

四代好

泛艇春溪作

陳維松

碧透雙溪尾。蒲桃浪慣被。煥風吹碎琉璃。正滑簾紋小。  
展一川空翠。春衣篷艚慢倚。十載事從頭都記。算飄零  
曾渡汶水。漳水沁水。泚水。汶水長繞孤城。漳水又抱  
銅臺廢址。可憐沁水還灌太原。殘壘三關。怒濤夜起。過  
泚水重嗟餘耳。總不如春水江南。採藍千里。

高陽臺

過拂水山莊感事

李良年

屋背空青。牆腰斷綠。沙頭晚疊春船。一篷東風斜陽淡。  
塵荒煙向。書老去蒼涼甚。草堂西南渡。明年倚香奩天。  
寶宮娥愛說開元。松楸馬鬣都休問。却土花深處也。



當新阡。白氍紅巾是非付與殘編。石家金谷曾拚墜甚  
游人尙記生前。更悽然燕又雙飛。柳又三眠。

章江舟次讀玉田詞步集中韻 宋 堯

遠水拖藍碧。峰送翠徐牽。三板輕船。野岸風箏撩人怡。  
是新年。垂楊不負東君約。裊鵝黃一色。堪憐更悠然。幾  
處漁歌。幾點村煙。家山回首斜陽外。但萋萋芳草森  
森。長川十八灘。遙舟人。指向鷗邊。紅牙漫拍土。孫包倚  
蓬窗。聊破愁眠。莫垂簾。尙有江梅尙少啼鵲。

春暮

何 惺

脩竹人家綠楊城郭。春衣乍卷晴煙。是處鶯聲迷離又